



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-3263-1/19
Sarajevo, 14.02.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst i 37/14 - Ispravka), Vlada Kantona Sarajevo na Šestoj sjednici održanoj **14.02.2019.** godine, donijela je sljedeći

Z A K L J U Č A K

1. Utvrđuje se prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo".
2. Predlaže se Skupštini Kantona Sarajevo da pretrese i doneše zakon iz tačke 1. ovog Zaključka po skraćenom postupku, u skladu sa članom 158. Poslovnika Skupštine Kantona Sarajevo („Službene novine Kantona Sarajevo“, br. 41/12 – Drugi novi prečišćeni tekst, 15/13, 47/13, 47/15 i 48/16).

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKON
O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U
"SLUŽBENIM NOVINAMA KANTONA SARAJEVO"**

(Prijedlog)

Nosilac izrade:
Ministarstvo pravde i uprave

Sarajevo, februar 2019. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na _____ sjednici održanoj dana _____ 2019. godine, d o n o s i

(PRIJEDLOG)

ZAKON

O IZMJENAMA I DOPUNI ZAKONA O OBJAVLJIVANJU PROPISA I DRUGIH OPĆIH AKATA U "SLUŽBENIM NOVINAMA KANTONA SARAJEVO"

Član 1.

U Zakonu o objavljinju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", broj 18/11 - Prečišćeni tekst i 36/15), u članu 2. u stavu 1. tačka 7. mijenja se i glasi:

"7. Statuti i drugi akti koji imaju karakter općih akata preduzeća, ustanova i drugih pravnih lica čiji je osnivač Kanton";

Iza stava 1. dodaju se st. 2. i 3., koji glase:

"Vlada Kantona svojim propisom uređuje vrstu i postupak objavljinjanja akata iz člana 2. ovog zakona i javnost rada organa Kantona, preduzeća, ustanova i drugih pravnih lica čiji je osnivač Kanton.

Vlada Kantona dužna je propis iz stava 2. ovog člana donijeti u roku od 60 dana od dana stupanja na snagu ovog zakona".

Član 2.

U članu 3.,iza riječi: „Službenim novinama“, stavljaju se tačka, a ostatak teksta se briše.

Član 3.

Član 5. mijenja se i glasi:

"Član 5.

Akte iz čl. 2. i 3. ovog zakona odgovarajuća služba donosioca dužna je dostaviti u roku od osam dana od dana donošenja Službi za skupštinske poslove Skupštine Kantona koja ih dostavlja na objavljinjanje".

Član 4.

Obavezuje se sekretar Skupštine Kantona Sarajevo da zaključi ugovor sa Izdavačem iz člana 8., a u vezi sa članom 7. st. 2. i 3. ovog zakona, u roku od 90 dana od dana stupanja na snagu ovog zakona.

Član 5.

Ovaj zakon stupa na snagu osmog dana od dana objavljinjanja u "Službenim novinama Kantona Sarajevo".

Broj
Sarajevo,

PREDSJEDAVAJUĆI
SKUPŠTINE KANTONA SARAJEVO

Elmedin Konaković

O B R A Z L O Ž E N J E

I – PRAVNI OSNOV

Pravni osnov donošenja ovog zakona sadržan je u odredbi člana 18. stav 1. tačka b) Ustava Kantona Sarajevo, kojim je propisano da Skupština Kantona Sarajevo, u okviru svojih nadležnosti, donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

II – RAZLOZI DONOŠENJA

Skupština Kantona Sarajevo u Programu rada za 2019. godinu, planirala je donošenje Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo".

U članu 2. stav 1. u tački 7. Zakona o objavljivanju propisa i drugih općih akata u "Službenim novinama Kantona Sarajevo" propisano je da se u "Službenim novinama" objavljuju: 7. Statuti i drugi akti koji imaju karakter općih akata preduzeća, ustanova i drugih pravnih lica, ako je zakonom ili propisom Vlade Kantona, kojim se uređuje odgovarajuća oblast, određeno da se ti akti objavljuju u "Službenim novinama".

Članom 3. Zakona o objavljivanju propisa i drugih općih akata u "Službenim novinama Kantona Sarajevo" propisano je da se statuti, odluke, drugi propisi, opći i drugi akti općinskog vijeća, odnosno Gradskog vijeća i njihovih organa i tijela i općinskog načelnika, odnosno gradonačelnika, objavljuju se u "Službenim novinama" kada je to određeno statutom ili drugim aktom općinskog vijeća, odnosno Gradskog vijeća.

Također, članom 5. Zakona o objavljivanju propisa i drugih općih akata u "Službenim novinama Kantona Sarajevo" propisano je da se akti iz čl. 2. i 3. ove odluke odgovarajuća služba donosioca dužna je dostaviti u roku od osam dana od dana donošenja Službi za skupštinske poslove Skupštine Kantona koja ih dostavlja na objavljivanje.

Kako bi se Vladi Kantona Sarajevo omogućilo da svojim propisom uredi postupak objavljivanja akata iz člana 2. Zakona o objavljivanju propisa i drugih općih akata u "Službenim novinama Kantona Sarajevo" i uredi javnost rada organa Kantona Sarajevo, preduzeća, ustanova i drugih pravnih lica čiji je osnivač Kanton, predlažu se izmjena i dopuna član 2. Zakona o objavljivanju propisa i drugih općih akata u "Službenim novinama Kantona Sarajevo" ("Službene novine Kantona Sarajevo", broj 18/11 - Prečišćeni tekst i 36/15), tako da se u članu 2. u stavu 1. tačka 7. mijenja i glasi: "7. Statuti i drugi akti koji imaju karakter općih akata preduzeća, ustanova i drugih pravnih lica čiji je osnivač Kanton". Iza stava 1. dodaju se st. 2. i 3., koji glase: "Vlada Kantona svojim propisom uređuje vrstu i postupak objavljivanja akata iz člana 2. ovog zakona i javnost rada organa Kantona, preduzeća, ustanova i drugih pravnih lica čiji je osnivač Kanton. Vlada Kantona dužna je propis iz stava 2. ovog člana donijeti u roku od 60 dana od dana stupanja na snagu ovog zakona".

Također, predlaže se izmjena člana 3. ovog zakona, iz razloga naprijed navedenih, te člana 5. ovog zakona, kako bi se otklonila tehnička greška kod navođenja „iz čl. 2. i 3. ove odluke“, a treba da glasi iz „iz čl. 2. i 3. ovog zakona“.

Isto tako ovim zakonom se propisuje obaveza zaključivanja novog ugovora sa Izdavačem (JP Službeni list), kojim će se regulisati pitanja propisana članom 8., a u vezi sa članom 7. st. 2. i 3. ovog zakona.

III – PRAVNA RJEŠENJA

Član 1. – Ovim članom se mijenja postojeći član 2. Zakona, na način da se u tački 7. briše dio teksta koji reguliše objavljivanje akata koji imaju karakter općeg akta samo kada je to utvrđeno zakonom Kantona ili propisom Vlade, te će se ubuduće svi akti javnih preduzeća,

ustanova i pravnih lica čiji je osnivač Kanton Sarajevo, Grad Sarajevo i općine na teritoriji Kantona Sarajevo objavljivati u „Službenim novinama“.

Također, ovim članom se propisuje donošenje propisa Vlade Kantona kojim se uređuje vrsta i postupak objavljivanja akata iz člana 2. ovog zakona i javnost rada organa Kantona, preduzeća, ustanova i drugih pravnih lica čiji je osnivač Kanton, te se propisuje rok u koje se treba donijeti propis Vlade Kantona

Član 2. – Ovim članom se, shodno izmjeni postojećeg člana 2. Zakona, briše dio odredbe koji se odnosi na objavljivanje akata Gradskog i općinskog vijeća, njihovih tijela i Gradonačelnik i načelnika, koji propisuje da se ti akti objavljaju samo kada je to određeno statutom ili drugim aktom općinskog vijeća, odnosno Gradskog vijeća.

Član 3. – U ovom članu se otklanja tehnička greška iz ranije teksta, te se riječi „ove odluke“ zamjenjuju riječima „ovog zakona“, s obzirom da se radi o zakonoskom tekstu, te je očigledno da se radi o tehničkoj greški.

Član 4. – Ovim članom se propisuje obaveza zaključivanja novog ugovora sa Izdavačem (JP Službeni list), kojim će se regulisati pitanja propisana članom 8., a u vezi sa članom 7. st. 2. i 3. ovog zakona.

Član 5. – Propisuje se stupanje na snagu ovog zakona.

IV – FINANSIJSKA SREDSTVA

Za provođenje ovog zakona nisu potrebna dodatna finansijska sredstva iz Budžeta Kantona Sarajevo.

DONOŠENJE ZAKONA PO SKRAĆENOM POSTUPKU

Predlaže se donošenje ovog zakona po skraćenom postupku, u skladu sa članom 158. Poslovnika Skupštine (“Službene novine Kantona Sarajevo”, broj 41/12-Drugi novi prečišćeni tekst i br. 15/13, 47/13, 47/15 i 48/16), jer nije složen i obiman zakon.

ODREDBE KOJE SE MIJENJAJU ILI DOPUNJUJU:

ZAKON
O OBJAVLJIVANJU PROPISA I DRUGIH OPĆIH AKATA U "SLUŽBENIM
NOVINAMA KANTONA SARAJEVO"
("Službene novine Kantona Sarajevo", broj 18/11 - Prečišćeni tekst i 36/15)

Član 2.

U "Službenim novinama" objavljuju se:

1. Ustav Kantona i amandmani na Ustav Kantona;
2. Zakoni, odluke, drugi propisi i opći akti koje donosi Skupština Kantona;
3. Poslovnik o radu Skupštine Kantona, poslovnici o radu radnog tijela Skupštine Kantona, odluke i zaključci radnog tijela Skupštine kada je to u njima određeno;
4. Uredbe, poslovnik o radu Vlade Kantona i odluke Vlade Kantona, kao i rješenja i zaključci Vlade Kantona kada je to u njima određeno;
5. Pravilnici, uputstva, instrukcije i naredbe, koje donose kantonalna ministarstva, kantonalne uprave i samostalne kantonalne upravne organizacije, u skladu sa propisima kojima se reguliše organizacija uprave;
6. Odluke ombudsmena, Visokog predstavnika za Bosnu i Hercegovinu, drugih organa i sudske odluke kada je to u njima određeno;
7. Statuti i drugi akti koji imaju karakter općih akata preduzeća, ustanova i drugih pravnih lica, ako je zakonom ili propisom Vlade Kantona, kojim se uređuje odgovarajuća oblast, određeno da se ti akti objavljuju u "Službenim novinama";
8. Oglasni, objave, dražbe, registracije, stope amortizacije i druge vrste objava, ako je to određeno zakonom ili propisom Vlade Kantona ili odlukom suda ili drugog ovlaštenog organa;
9. Ispravke propisa i općih akata, ako tekst objavljen u "Službenim novinama", ne odgovara izvornom tekstu.

Član 3.

Statuti, odluke, drugi propisi, opći i drugi akti općinskog vijeća, odnosno Gradskog vijeća i njihovih organa i tijela i općinskog načelnika, odnosno gradonačelnika, objavljuju se u "Službenim novinama" kada je to određeno statutom ili drugim aktom općinskog vijeća, odnosno Gradskog vijeća.

Član 5.

Akte iz čl. 2. i 3. ove odluke odgovarajuća služba donosioca dužna je dostaviti u roku od osam dana od dana donošenja Službi za skupštinske poslove Skupštine Kantona koja ih dostavlja na objavljivanje.

Član 7.

Poslovi izdavanja "Službenih novina" povjeravaju se ugovorom JP NIO Službeni list BiH (u daljem tekstu: Izdavač), kao poslovi od posebnog interesa za Kanton.

Poseban interes iz prethodnog stava ostvaruje se omogućavanjem da se bez naknade pristupa "Službenim novinama" objavljenim na WEB stranici Izdavača.

Redakciju, štampanje, administraciju i distribuciju vrši JP NIO Službeni list BiH.

Član 8.

Ovlašćuje se sekretar Skupštine Kantona Sarajevo da ugovorom sa Izdavačem uredi odnose iz stava 3. prethodnog člana, a naročito: o roku u kome se objava akata mora izvršiti, o redoslijedu objavljivanja akata, o obavezi da akti moraju biti potpisani i ovjereni, o načinu finansiranja usluga, o pretplati na "Službene novine", o prodaji pojedinih brojeva pristupu bez naknade "Službenim novinama" objavljenim na WEB stranici Izdavača, kao i druga međusobna prava i obaveze.



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-3214/19 A.Š.
Sarajevo, 13.02.2019. godine

**MINISTARSTVO PRAVDE I UPRAVE
KANTONA SARAJEVO**

Predmet: Mišljenje na Prijedlog zakona o izmjenama i dopuni Zakona o objavljivanju propisa i drugih općih akata u „Službenim novinama Kantona Sarajevo“
Veza: vaš dopis, broj 03-03-02-3132/19 od 11.02.2019. godine

Vezano za Vaš zahtjev za mišljenje na Prijedlog zakona o izmjenama i dopuni Zakona o objavljivanju propisa i drugih općih akata u „Službenim novinama Kantona Sarajevo“, u skladu sa Članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službenc novine Federacije BiH“, br. 34/16 i 15/18), dajemo sljedeće:

Ministarstvo pravde i uprave je postupilo u skladu sa navedenim Pravilnikom i Ministarstvu finansija uz Prijedlog zakona dostavilo na mišljenje popunjeno i potpisano obrazac IFP-NE u kojem je data izjava da Prijedlog zakona o izmjenama i dopuni Zakona o objavljivanju propisa i drugih općih akata u „Službenim novinama Kantona Sarajevo“ ne zahtjeva izdavanje dodatnih sredstava iz Budžeta Kantona Sarajevo.

Obzirom da za provođenje Prijedloga zakona nije potrebno obezbijediti dodatna finansijska sredstva iz Budžeta Kantona Sarajevo, na navedeni Prijedlog zakona o izmjenama i dopuni Zakona o objavljivanju propisa i drugih općih akata u „Službenim novinama Kantona Sarajevo“, Ministarstvo finansija, sa aspekta fiskalnog učinka na budžet, primjedi.

Dostaviti:

- Naslovu
- MF Sektor za budžet i fiskalni sistem
- a/a

Pripremio: Adin Šendru, mr. oec.

Kontrolisala: Amina Močević, mr. oec.



web: <http://mf.ks.gov.ba>

e-mail: mf@mf.ks.gov.ba

Tel: + 387 (0) 33 565-005, Cent.+ 387 (0) 33 565-000

Fax: + 387 (0) 33 565-052 i 565-048
Sarajevo, Maršala Tita 62





Broj: 09-02-3213/19
Sarajevo, 12.02.2019. godine

KANTON SARAJEVO
MINISTARSTVO PRAVDE I UPRAVE

PREDMET: Stručno mišljenje na prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo".-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo (u daljem tekstu: Ured) nema primjedbi na dostavljeni tekst prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo" (u daljem tekstu: Zakon), a iz razloga što se donošenjem ovog propisa obezbjeđuje bezuslovna primjena načela javnosti/transparentnosti u radu kantonalnih organa uprave, javnih ustanova, javnih preduzeća, kao i drugih pravnih lica čiji je osnivač Kanton.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
1. Naslovu
2. Evidencija
3. Arhiva



S E K R E T A R

Ahmed Ljubović, dipl.pravnik



OBRAZAC IZJAVA O FISKALNOJ PROCJENI

Obrazac IFP NE

A 1. Obrađivač propisa

	KOD	NAZIV
Razdjel		Ministarstvo pravde i uprave Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE

Naziv propisa/akta	Prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo"
--------------------	---

C 3. Izjava o nepostojanju dodatnih fiskalnih efekata predloženog propisa

Prijedlog Zakona o izmjenama i dopuni Zakona o objavljivanju propisa i drugih općih akata u "Službenim novinama Kantona Sarajevo" ne zahtjeva izdvajanje dodatnih sredstava iz Budžeta Kantona Sarajevo

D 4. Pečat i potpis odgovornog lica

Ministarstvo pravde i uprave Kantona Sarajevo ministrica Lejla Brčić

Mjesto i
datum

Sarajevo,